

# **Сийрат дарслари (132-дарс). Савдода кўп қасам ичишдан сақланинглар!**



**СИЙРАТ**  
*дарслари 132-дарс*

ISLOM.UZ

Сийрат дарслари Шайх Мұхаммад Содик Мұхаммад Йосуф рохимахуллоҳнинг «Бу – Расулulloқ соллаллоҳу алайҳи васаллам» таржима китоблари ва «Ҳадис ва ҳаёт»нинг 19-жузъи асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.

14:00 / 16.04.2021 2251

503. Абу Саъид розияллоҳу анҳудан ривоят қилинади:

«Расулуллоҳ соллаллоҳу алайҳи васаллам айтдилар: **«Ростгўй, омонатдор тожир набийлар, сиддиқлар ва шаҳидлар билан биргадир».**

*Термизий ва Ҳоким ривоят қилишган.*

504. Қайс ибн Ғазара розияллоҳу анҳудан ривоят қилинади:

«Расулуллоҳ соллаллоҳу алайҳи васалламнинг даврларида Мадинада васақлар билан олди-сотди қилардик ва ўзимизни ўзимиз ҳам, одамлар томонидан ҳам «даллол» деб номланар эдик. Расулуллоҳ соллаллоҳу алайҳи васаллам бир куни олдимиздан ўтдилар ва бизларни ундан яхшироқ исм билан номладилар: **«Эй тожирлар жамоаси! Албатта, савдода беҳуда нарса ва қасам ҳозир бўлади, бас, уни садақа билан аралаштиринглар»**, дедилар».

*Абу Довуд, Термизий, Насоий, Ибн Жоруд ва Ҳоким ривоят қилишган.*

Васақ – ўлчови бирлиги.

505. Абу Қатода розияллоҳу анҳудан ривоят қилинади:

«Расууллоҳ соллаллоҳу алайҳи васаллам: «**Савдода кўп қасам ичишдан сақланинглар, чунки, у** (молни) **ўтказади, сўнг** (баракани) **ўчиради**», дедилар».

*Муслим ривоят қилган.*

**«Расууллоҳ соллаллоҳу алайҳи васаллам» китобидан**